



Služba za prostorno uređenje, zaštitu okoliše,
geodetske i imovinsko-pravne poslove

Broj: 04/1-19-1531/2025
Breza, 16.10.2025. godine

Služba za prostorno uređenje, zaštitu okoliše, geodetske i imovinsko-pravne poslove Općine Breza, po ovlaštenju Općinskog načelnika, na osnovu člana 136. stav (6) Zakona o prostornom uređenju i građenju („Službene novine Zeničko-dobojskog kantona“, broj: 17/23), o b j a v l j u j e

JAVNI POZIV

za podnošenje prijave za učešće u radu komisija za obavljanje tehničkih pregleda građevina na području općine Breza

I

Pozivaju se zainteresovana fizička lica da podnesu prijave za učešće u radu komisija za obavljanje tehničkih pregleda građevina na području općine Breza, sljedećih struka:

- arhitektonske,
- građevinske,
- elektrotehničke,
- mašinske,
- saobraćajne,
- geodetske,
- zaštite od požara i eksplozija,
- zaštite na radu,
- kontrole sanitarnih uslova.

II

Na Javni poziv mogu se prijaviti diplomirani inženjeri navedenih struka sa najmanje 5 (pet) godina radnog iskustva u struci, a nakon sticanja VSS (VII stepen stručne spreme, odnosno visoko obrazovanje Bolonjskog sistema studiranja sa najmanje 240 ECTS bodova) i sa položenim stručnim ispitom, kako je propisano u članu 136. stav 4. Zakona o prostornom uređenju i građenju („Službene novine Zeničko -dobojskog kantona“, broj: 17/23). Doktori i magistri nauka iz oblasti za koju se prijavljuju, umjesto uvjerenja o položenom stručnom ispitu, dostavljaju rješenje o oslobađanju obaveze polaganja stručnog ispita.

III

Tehnički pregled ne mogu vršiti službena lica koja su učestvovala u postupku izdavanja lokacijske informacije, odnosno donošenja urbanističke saglasnosti i odobrenja za građenje, niti lica koja su učestvovala u izradi tehničke dokumentacije, reviziji glavnog ili izvedbenog projekta, gradnji i nadzoru nad gradnjom i nadležni inspektor koji je vršio nadzor nad gradnjom građevine i drugi inspektori i lica sa posebnim ovlaštenjima, u čijoj su nadležnosti poslovi upravnog nadzora.

IV

Uz potpisanu prijavu sa tačnom adresom, brojem telefona, e-mail adresom, mjestom sadašnjeg zaposlenja i obaveznom naznakom uže oblasti (jedne ili više njih) za koje se zainteresovano fizičko lice prijavljuje, potrebno je priložiti sljedeće dokumente u originalu ili ovjerenoj kopiji:

- ovjerenu kopiju diplome o završenom fakultetu
- ovjerenu kopiju lične karte

- ovjerenu kopiju uvjerenja o položenom stručnom ispitu ili dokaz o sticanju naučnog zvanja i rješenje o oslobađanju obaveze polaganja stručnog ispita (za doktore i magistre nauka iz oblasti za koju se prijavljuju), kao i dokaz o stručnom osposobljavanju za posebne oblasti predviđene posebnim propisima i izdatom od strane nadležne institucije
- dokaz o otvorenom transakcijskom računu kod poslovne banke (potvrda izdata od strane banke)
- rješenje o obavljanju dopunske djelatnosti Općinskog načelnika (vrijedi samo za uposlenike Općine Breza koji se prijavljuju na Javni poziv)
- ovjerenu izjavu kojom podnosilac izjavljuje da će blagovremeno pismenim putem obavijestiti Službu za prostorno uređenje, zaštitu okolice, geodetske i imovinsko-pravne poslove o svom izuzeću u slučaju da je u srodstvu sa investitorom građevine koji je predmet tehničkog pregleda, kao i u slučajevima kada su učestvovali u izradi projektne dokumentacije građevine koji je predmet tehničkog pregleda.

Dokumentacija priložena uz prijavu na Javni poziv ne vraća se podnosiocu prijave.

V

Prijave sa naprijed navedenom dokumentacijom se podnose u roku od 15 (petnaest) dana od dana objavljivanja Javnog poziva u dnevnom listu „Oslobođenje“- Sarajevo, web stranici Općine Breza www.breza.gov.ba i oglasnoj ploči Općine Breza, neposredno predajom u Centru za pružanje usluga građanima Općine Breza ili putem pošte – preporučenom pošiljkom, na adresu:

OPĆINA BREZA

**Služba za prostorno uređenje, zaštitu okolice,
geodetske i imovinsko-pravne poslove
Ulica Bogumilska br.1
71370 BREZA**

Sa naznakom:

**Za Javni poziv za podnošenje prijava za učešće u radu komisija za
obavljanje tehničkih pregleda građevina na području općine Breza**

Neblagovremene i nepotpune prijave neće biti uzete u razmatranje.

V

Nakon komisijskog pregleda i obrade pristiglih prijava, lista stručnih lica koja ispunjavaju uslove za obavljanje poslova tehničkog pregleda građevina će biti objavljena na oglasnoj ploči Općine Breza i na službenoj internet stranici Općine Breza www.breza.gov.ba, najkasnije u roku od 30 (trideset) dana od dana objavljivanja Javnog poziva.

Dostavljeno:

1x Dnevni list „Oslobođenje“
1x Oglasna ploča
1x Služba za finansije, inspeksijske poslove i
opću upravu
1x Općinski načelnik
1x Evidencija
1x a/a

Pomoćnik načelnika

Selma Gazdić, dipl.ing.arh.